

BOSNA I HERCEGOVINA
FEDERACIJA BOSNE I
HERCEGOVINE
TUZLANSKI KANTON
OPĆINA BANOVIĆI
OPĆINSKI NAČELNIK



БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel: 00387 35 743 400, Fax: 00387 35 743 433, e-mail: opcina@banovici.gov.ba, Web: www.banovici.gov.ba

Broj: 01-05-2119/19-4

Datum: 14.01.2020. godine

Na osnovu člana 69. stav (2) tačka d), a u vezi sa članom 90., člana 70. stavovi 1., 3. i 6. Zakona o javnim nabavkama („Službeni glasnik BiH“, broj: 39/14), člana 70. Zakona o organizaciji organa uprave u Federaciji Bosne i Hercegovine („Službene novine FBiH“, broj: 35/05), člana 15. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06), člana 42. Statuta Općine Banovići („Službeni glasnik Općine Banovići“, broj: 3/08) i Preporuke Komisije za javnu nabavku broj: 01-05-2119/19-3 od 13.01.2020. godine u postupku javne nabavke robe u predmetu „Nabavka materijala za popravku grejnih instalacija u objektu Grab Potok“, Općinski načelnik donosi

ODLUKU O PONIŠTENJU POSTUPKA JAVNE NABAVKE

Član 1.

Prihvata se Preporuka Komisije za javne nabavke broj: 01-05-2119/19-3 od 13.01.2020. godine i poništava se postupak javne nabavke robe u predmetu „Nabavka materijala za popravku grejnih instalacija u objektu Grab Potok“ **iz razloga što nijedna od primljenih ponuda nije prihvatljiva.**

Član 2.

Ova Odluka stupa na snagu danom donošenja i objavit će se na internet stranici www.banovici.gov.ba istovremeno s njenim upućivanjem svim ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH“, broj: 39/14).

Obrazloženje

Odlukom o pokretanju postupka javne nabavke robe broj: 01-05-2119/19 od 20.12.2019. godine donesenom od strane ovog organa pokrenut je postupak javne nabavke robe u predmetu „Nabavka materijala za popravku grejnih instalacija u objektu Grab Potok“.

Predmetna javna nabavka predviđena je Izmjenama i dopunom plana javnih nabavki Općine Banovići za 2019. godinu broj 01-05-1968/19 od 15.11.2019. godine, evidencijski broj 1d6/19.

Javna nabavka robe sprovedena je direktnim sporazumom.

Procijenjena vrijednost javne nabavke bez PDV-a je 5.999,00 KM.

Zahtjev za dostavu ponuda je prosljeđen sljedećim potencijalnim ponuđačima:

- ZH ZOLA d.o.o.,
- AMD SCANTO – BRČKO i
- „EDAZ“ ŽIVINICE.

Komisija za javne nabavke imenovana rješenjem broj: 01-05-59/19 od 22.01.2019. godine i 01-05-823/19 od 24.05.2019. godine, ovom organu dostavila je dana 14.01.2020. godine Zapisnik o pregledu i ocjeni ponuda broj: 01-05-2119/19-2 od 13.01.2020. godine i Preporuku o poništenju postupka javne nabavke broj: 01-05-2119/19-3 od 13.01.2020. godine u postupku javne nabavke robe u predmetu „Nabavka materijala za popravku grejnih instalacija u objektu Grab Potok“.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno slijedeće:

- da je ukupan broj pristiglih ponuda jedna (1) i to ponuda ponuđača
 1. „AMD SCANTO - BRČKO“, Magistralni put, 75270 Živinice (datum predaje ponude 24.12.2019. godine, vrijeme predaje ponude 13:30h);
- da je pristigla ponuda blagovremena;
- da je ponuda ocijenjena neprihvatljivom i
- da je Komisija ovom organu dostavila Preporuku za poništenje predmetnog postupka javne nabavke iz razloga što nijedna od primljenih ponuda nije prihvatljiva.

Prispjela ponuda ocijenjena je neprihvatljivom iz razloga kako slijedi:

1. U tački 6. iz Poziva za dostavu ponuda pod nazivom: Podnošenje ponuda stoji „Ponuda se dostavlja poštom ili lično“ na adresu: Općina Banovići, Ul. Alije Dostovića br: 1, 75290 Banovići, sa naznakom „Nabavka materijala za popravku grejnih instalacija u objektu Grab Potok“ – NE OTVARAJ...

Ponuda nije dostavljena u skladu sa prethodno navedenim. Dostavljena je putem faxesa, ista se ne nalazi u omotnici, nije ispravno zatvorena niti zapečaćena.

2. Ponuđač nije dostavio aktuelni izvod iz sudskog registra.

3. Ponuđač nema u ponudi svu robu koja je tražena pozivom za dostavu ponude.

Zbog utvrđenih nedostataka ova ponuda je ocijenjena kao nepotpuna i odbačena je kao neprihvatljiva.

Pravni osnov za poništenje postupka javne nabavke prema Preporuci Komisije za javne nabavke sadržan je u članu 69. stav 2. tačka d). Zakona o javnim nabavkama („Službeni glasnik BiH“, broj: 39/14) **tj. iz razloga što nijedna od primljenih ponuda nije prihvatljiva.**

Ugovorni organ je donio Odluku kao u dispozitivu iz slijedećih razloga:

U postupku ocjene provedenog postupka, ovaj organ nije našao razloge nepravilnosti niti propuste u radu koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je preporuka o poništenju postupka javne nabavke donesena na osnovu razloga propisanih Zakonom o javnim nabavkama.

Iz navedenih razloga, primjenom člana 69. stav 2. tačka d.) Zakona o javnim nabavkama, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke nije dopuštena žalba.

DOSTAVITI:

1x Svim ponuđačima,

1x u spis i

1x a/a.

